

洪北江(亮吉)先生遺集(一〇)



PDG

清・光緒三年授經堂重刊本影印

洪北江（亮吉）先生遺集（十）

清・洪用懃等編撰

華文書局股份有限公司印行

孝子
臧氏
釋

授經堂家藏本

光緒三年九月
重刊于鄂垣

弟子職箋釋

陽湖洪亮吉學

敘曰古之教弟子者纖悉無不至也在小戴禮者曰
內則教弟子所以事父兄在管子雜篇者曰弟子職
教弟子所以事師長二者缺一不可三代以前國家
風俗之厚士大夫家法之修無不由此孔子之言曰
弟子入則孝出則弟謹而信汎愛眾而親仁行有餘
力則以學文孔子之言內則弟子職之綱也子夏氏
最得孔氏之傳故其教門人小子以洒掃應對進退
爲務陵夷至戰國風教盡矣然孟子之言尙曰爲長
者折枝趙岐注折枝按摩折手節解罷枝也西漢以

來萬石君之家法江都相之師範以迄趙恭之步儻
劉般之頌詩荀爽之御李膺殷陶之侍孟博尙皆有
三代之風烏乎風俗之壞蓋肇於魏黃初正始間乎
其上則祖尙元虛描摩莊列於是爲子弟者亦相率
以跌蕩爲高通脫是務阮籍則居喪食烝豚矣胡母
輔之之子則直呼父字爲彥國矣弟子之繩檢盡去
而天下之風俗隨之於是劉石入中國而懷慙皆下
堂百年之中四海鼎沸其不至於爲禽獸者僅僅一
間耳弟子職不講之害一至此乎蓋弟子者成人之
基也成人者一鄉一國所取法也正弟子方可以正
成人矣成人正方可正一鄉一國及天下矣語有

之少成若天性習慣成自然聖人又豈好爲此委曲
煩重以苦弟子哉觀三代之風俗如彼魏晉之風俗
如此亦可以憬然悟矣今按弟子職亦非管子所爲
乃古塾師相傳以教弟子管子作內政時取以訓士
後人遂入之於管子耳總之弟子職之在管子與內
則之在小戴禮等也班固漢書藝文志本劉向之舊
附弟子職於孝經最得聖人之旨自隋書經籍志以
下皆雜入管子中不更分出則魏徵歐陽修等讀書
之無識也余少習是書凡子弟入塾皆以是書爲始
又病唐尹知章注簡陋劉績補注亦未該洽因仿漢
儒注經之法一一箋釋俾是書得專行烏乎後之教

弟子者其慎之哉

先生施教弟子是則

馬融論語注先生謂父兄包咸注先生成人也趙岐孟子注學士年長者謂之先生漢書集注施設也眾經音義引三蒼教誨也效也說文教上所施下所效也盧植禮記注敎詩書典籍之訓也弟子對父兄而言鄭元儀禮註弟子後生也又云弟子其少者也廣雅釋言是此也高誘戰國策注是實也爾雅釋詁則法也漢書集注則效也

溫恭是虛所受是極

高誘淮南王書注溫和也詩毛傳溫溫和柔貌鄭箋

溫謂顏色和也爾雅釋詁恭敬也廣雅釋言恭肅也
漢書集注貌正曰恭莊子人間世虛者心齋也淮南
銓言訓虛者道之舍也廣雅釋詁虛空也蓋器虛始
能受物心虛始能受益也眾經音義引三蒼所處也
韋昭國語注受承也說文受相付也高誘淮南王書
注極盡也鄭元禮記注極猶盡也

見善從之聞義則服

國語晉語善德之建也高誘呂覽注善好也又云美
也說文善吉也詩鄭箋從隨也何休公羊解詁從隨
從也說文从相聽也賈子道德說義者德之美也又
云義者理也呂覽論威義也者萬事之紀也高誘呂

覽注服從也淮南王書注服佩也

溫柔孝弟毋驕恃力

何休公羊解詁柔順王肅家語注柔和也爾雅釋訓善父母爲孝善兄弟爲友廣雅釋詁孝究也釋親弟悌也按弟本作悌弟之或字也鄭元禮記注毋無也又云禁止之辭說文毋止之也思元賦注毋勿也高誘戰國策注驕慢孝經鄭注無禮爲驕史記索隱引張揖驕驚縱恣也王逸離騷章句恃怙也釋文引韓詩恃負也說文恃賴也漢書集注力強力也

志毋虛邪行必正直

鄭元禮記注志意也儀禮注志猶念也毛詩序在心

爲志高誘戰國策注虛不實大戴禮曾子立事道言而飾其辭虛也賈子道術方直不曲謂之正反正爲邪素問注邪者不正之目薛綜西京賦注邪僞也通典引馬融周官傳施之爲行說文行人之步趨也左傳正直爲正正曲爲直杜預注正者不失下之直鄭元禮記注直正也詩毛傳能正人之曲曰直

游居有常必就有德

詩大雅板章及爾游衍毛傳游行也高誘淮南王書注游出也居處也呂覽注居止也道德經古注常者不易也周書皇門孔晁注常謂常德廣雅釋詁就歸也小爾雅廣詁就因也鄭元周禮注在心爲德施之

爲行管子德者道之舍有德猶有道也論語就有道而正焉是也

顏色整齊中心必式

廣雅釋親顏頤也方言顏頤也說文及韋昭國語注顏睂目之間也色顏氣也素問注色謂顏色薛綜東京賦注整理也說文整齊也廣雅齊整也高誘呂覽注整齊周旋進退也毛詩傳式法也漢書集解式表也鄭元周禮注式謂節度

夙興夜寐衣帶必飾

虞翻易解夙早也說文夙早敬也興起也高誘呂覽注興作也廣雅夜莫也說文夜舍也天下休舍也詩

鄭箋昏爲夜詩毛傳寐寢也說文寐卧也依依也上
曰衣下曰裳釋名人所以芘寒暑也孔安國書傳衣
服也說文帶紳也廣雅帶束也鄭元禮記注所以自
結束也儀禮注帶下體之上也周禮注飾謂刷治潔
清之也高誘淮南王書注飾治釋名飾拭也物穢者
拭其上使明由他物而後明猶加文於質上也飾宋
本作飭漢書集注飭整也王肅家語飭整齊也

朝益暮習小心翼翼

爾雅釋詁朝早也鄭元禮記注朝日出時也又云旦
爲朝廣雅釋詁益加也高誘呂覽注益長也鄭元禮
記注益謂受說不了欲師更明說之說文莫曰且冥

也王逸楚辭章句暮夜也暮當作莫暮俗字也高誘
呂覽注習學也虞翻易解習積也韋昭國語注習簡
習也爾雅釋訓翼翼恭也詩毛傳翼翼敬也漢書集
注翼翼恭肅貌

一此不解是謂學則

爾雅釋言解怠也高誘淮南王書注解惰也廣雅釋
詁解嬾也古懈字皆作解詩夙夜匪解是也高誘戰
國策注謂猶言也廣雅釋詁謂說也漢書集注謂者
名稱也亦指趣也

少者之事夜寐蚤作

韋昭國語注少穉也應劭漢書注少者小也說文事

職也高誘呂覽注事職事也文穎漢書注事猶業也
說文昃晨也从日在甲上虞翻易解日出甲上故早
也漢書集解蚤古早字孔安國書傳作興也說文作
起也凡少者皆先先生而起後先生而息也

既拚盥漱執事有恪

拚當作拌廣雅釋詁拌棄也方言楚凡揮棄物謂之
拌又云拌江東又呼撇按說文別有拚云拚手也皮
援切非此義吾友莊進士述祖云拌拚皆假借字其
本字乃篆文華推物在外曰華貯物在內曰甫卽廢
舉字說文華箕屬所以推糞之器也華本訓棄字从
反甫說文華字闕以鐘鼎攷之从箕省一象舁物形

卽古文舉字說文盥澡手也漱盪口也鄭元儀禮注
盥洗又云古文盥皆作浣眾經音義引三蒼嗽吮也
詩鄭箋執持也禮記注執猶守也又云執猶處也爾
雅釋詁恪敬也字林恪恭也恪古文作憲說文引春
秋傳曰以陳備三憲

攝衣共盥

說文攝引持也皇侃論語義疏攝摳也詩釋文共本
作供爾雅釋詁共具也舍人注共具物也

先生乃作沃盥徹盥

說文沃漑灌也廣雅釋詁沃漬也素問注沃沫也鄭
元儀禮注徹除也禮記注徹去也

汎拚正席先生乃坐

說文汎浮貌禮記少儀汎埽曰埽埽席前曰拚漢書
集注汎汎灑地也字通作汎又作泛說文席藉也鄭
元周禮注鋪陳曰筵藉之曰席釋名席釋也可卷可
釋也乃古文作迺高誘呂覽注迺猶裁也漢書集注
迺始也說文坐止也張守節史記正義坐跪也按古
之坐卽今之跪

出入恭敬如見賓客

說文敬肅也高誘呂覽注敬畏說文賓所敬也客
寄也駁五經異義賓者敵主人之稱客一坐所尊敬
危坐鄉師顏色毋忤